

T E R R I T O R I U M S E N E N S E.

81

Sena.



ERRITORII S E-
NENSIS caput est
SENA, vulgo *Siena*
dicta. Antiquissimam
sui memoriam non
ultra Iulium in Cæ-
saribus ostenderit,
quippe quia *Iulia* co-
gnominatur in Ta-
bula Itineraria. O-

ctavii Cæsaris Augusti jussu haud dubiè dedu-
cta fuit colonia, cum compluribus aliis per Ita-
liam, quæ *Iuliæ* cognominatæ fuere. Alia est *Se-
nensis Colonia* quam disertis verbis locat ad Mare
Superum Livius lib. xxvii; cujusque meminit
Tacitus lib. iv Historiarum; ubi in CL.V. Iusti
Lipsii Editione scribitur *Seniensis*. Hanc enim
cum superiore illa confundunt cum alii, tum Al-
bertus Leander. Quemadmodum prior illa à
Sena, quæ Mari Tusco propior, quamque hoc
loco delineamus; sic posterior à *Sena*, quæ ad
Mare Hadriaticum: *Sena* simpliciter Floro ex
Livii lib. xi, ubi notat Colonias esse deductas
Castrum, *Senam*, *Hadriam*; *Σηνη* Polybio; compo-
site vero *Σηνογάλλια* Straboni lib. v, & fortean
etiam *Σηνη* ibidem paullo ante, innuentibus id
aliquo modo, quæ cognominantur ibi, locis; nisi
scribendum *κασινη*; *Senogallia* Plinio lib. iii, cap.
xiii, Antonino, Paulo Diacono, divisim autem
Σηνη Γαλλία Ptolemæo lib. iii, c. i. *Sena Gallo-
rum*, Silio Italico: *Sena Galli*, Itinerariæ Tabulæ:
hodie denique *Senigaglia*. Polybius initium *Sena*
ad Gallos *Senones*, qui à Populo Romano devi-
cti, referre videtur; quum eos alteram urbem
Senam ædificasse, præter illam, quæ Hadriatico
adposita mari, tradit. Suffragantur Gothesfre-
dus in libro Memoriarum, & Ioannes Sarisbe-
riensis Policrat. lib. vi, cap. xvii. Non au-
diendus Blondus novam hanc esse Urbem, &
à *senis Plebanatibus*, de Perusina, Clusinenfi, Are-
tina, Fesulana, Florentina, & Volaterrana
Diecepsi, ab Ioanne xviii P. M. acceptis, di-
ctam censens. Alii ab Karolo Martello condi-
tam ajunt, quo tempore, quo modo, quam ob
causam, non addentes. Alii initium ejus alio
referunt, satis fabulose. Roma distans 1000
stadiis edito sita est loco, cis Arbiā, flexu si-
nuoso propter montis dorsum, lateribus angu-
stior & proclivior, tria habens quasi cornua:
quorum quod Meridiem spectat, latius est iis,
quæ ad Ortum sunt & Occasum. Nam ea Vr-
bis pars, quæ Septentrioni obversa, exigua præ
cæteris & plana. Valles intermediæ ab hortis
fere occupantur. Cælo utitur benigno & salu-

Italia.

bri, nisi quod subinde noxiis infestetur ventis;
Aëre temperatissimo:

En l'Aer douce lucida & serena,
canit lib. iii, Cantic. viii, Facius Vbertus.
Italia Delicias multi vocant Poëtæ. Plurimum
hæc civitas Germanis placet, cum ob alia, tum
ob situm aërisque temperiem ipsis accommo-
datam. Portas habet complures, quarum quæ
spectat Septentrionem agrumque Florenti-
num, *Chamolia* vocatur; ad Orientem conversa,
Romana est, cui opponitur fere Occasum Solis
versus ea, per quam loca adeuntur maritima
& planicies Rosciæ; quæ ad Meridiem, vallem
Arni fluminis prospicit, figuram habens fere
ovalem. Strata est *Sena* latere coctili, plateis re-
cta & longa, alta turribus. Plura sunt apud
Natalem Comitem libro Historiar. vi, Iov.
Pontanum lib. i, Æneam Sylvium, & alios.
Frequentia nitet nobilium ædificiorum: ex qui-
bus Templum D. Virgini sacrum splendidum
est & sumtuosum. De ejus ornamentis multa
Sylvius, quem dixi, & Laurentius Schraderus
in *Italia*. In Lithostrato summi templi imagines
Sibyllarum positæ sunt, Albunæ sive Tibur-
tinæ, Samiæ, Phrygiæ, quæ Ancyræ vaticinata
dicitur, Hellesponticæ, Libycæ, Cumæ, Del-
phicæ, Cumanæ, Erythreæ & Persicæ, adjectis
elogiis & vaticiniis singularum. Visitur ibidem
etiam Pontificum series. In sacello, in quo olim
fuit Bibliotheca Æneæ Sylvi, qui postea dictus
est Pius secundus, hæc leguntur lemmata subje-
cta picturis historiam vitæ rerumque ab Ænea
Sylvio gestarum continentibus. ÆNEAS SYL-
VIVS, Piccolomineus natus est patre Sylvio, matre Vi-
ctoria, viii Oct. Anno MCCCCV, Corsiani in fundis
gentilitiis. Basileam ad Concilium contendens, vi tempe-
statis in Libyam propellitur. ÆNEAS SYLVIVS à
Basiliensi Concilio in ulteriorem Britanniam orator, ac in
Scotiam ad regem Calixtum missus, à tempestate in Nor-
wegiam pulsus & per Britanniam regiones speculatores elu-
dens, Basileam revertitur. Hic ÆNEAS à Felice An-
tipapa Legatus ad Fredericum III, Cæsarem missus,
laurea corona donatur, & inter amicos ejus & Secreta-
rios annumeratur, & iis præficitur. ÆNEAS à Frede-
rico III, Imper. legatus ad Eugenium IV missus, non
solum ei reconciliatus est, sed hypodiarconus & secreta-
rius, mox Tergestinus, deinde Senensis Antistes creatur.
Æneas Frederico III, Imp. Leonoram sponsam exhibet,
& puella ac regum Lusitanorum laudes complectitur.
ÆNEAS Senensis Antistes ad Calixtum III, Orator à
Frederico III missus Pontificem ad bellum Asiaticum
armat, & Patrum Principumque omnium rogatione
Cardinalis efficitur. Calixto mortuo, Æneas Cardinalis
Senensis acclamatione Patrum, apertisque suffragiis Pon-
tificem

X x x

Qualit. as.

*Publica
Opera.
Templum.*

*Sena unde
dicta, &
quibus con-
dita.*

Ejus Simu.